

鄢陵文獻志卷十五

鄢陵蘇源生菊邨纂

宦蹟志

漢

宋則

後漢書列傳宋則字元矩京兆長安人也父漢爲東平相遷太僕則爲鄢陵令有名迹拔同郡韋著扶風法真稱爲知人則子年十歲與蒼頭共努射蒼頭絃斷矢激誤中之卽死奴叩頭就誅則察而恕之潁川荀爽深以爲美時人亦服焉

文獻志

卷十五

一

温恢

三國志魏書温恢字曼基太原祈人也父恕爲涿郡太守恢舉孝廉爲廩丘長鄢陵廣川令彭城魯相所在見稱官至涼州刺史

隋

庾質

隋書藝術傳庾質字行修江陵人少而明敏有志尙開皇元年除奉朝請歷鄢陵令遷隴州司馬大業初授太史令後以忠諫死獄中

唐

權隼

權德輿撰權隼墓誌權隼字子鷲天水略陽人天寶末州里舉經明屬幽陵叛渙計偕中止解巾試守河西尉真拜鄆陵丞時東郊不開違難逃祿艱貞潔白終出盜泉朝廷嘉之除楚州寶應丞

宋

王明

王偁東都事略王明字如晦魏郡成安人也舉進士不中藥元福領建雄軍節度使鎮陝州以明為掌書

記歷清平鄆陵二縣令

蒙按宋史明歷清平鄆陵二縣令在周顯德宋建隆間鄆

文獻志

卷十五

二

城當是鄆陵之訛朱弁曲洧舊聞作鄆陵令亦誤

明在鄆陵公廉愛民是時

天下新定法禁尚寬吏多受民賂遺歲時皆有常數民亦習之莫或知其非也明為令以故事有所獻饋明日令不用錢可人致數束薪芻水際令欲得之民不諭其意得數十萬明取以築隄道由是民無水患久之召為左拾遺官至禮部侍郎知真定府

孔維

宋史儒林傳孔維字為則開封雍邱人乾德四年九經及第解褐鄆陵主簿官至國子祭酒兼工部侍郎

楊大雅

宋史列傳楊大雅字子正錢塘人寓宋州素好學日誦數萬言雖飲食不釋卷進士及第歷新息鄆陵縣主簿官至右諫議大夫集賢院學士知亳州大雅樸學自信無所阿附著有大隱集三十卷西垣集五卷職林二十卷兩漢博聞十二卷

劉平

新纂劉平字士衡開封祥符人剛直任俠善弓馬讀書強記進士及第補無錫尉以擒巨盜功詔改大理評事知鄆陵縣徙南充官至靜江軍節度觀察留後與元昊戰沒贈朔方軍節度使兼侍中諡壯武

本宋史參

文獻志

卷十五

三

王銍默記

王

夏文彥圖繪寶鑑鄆陵王主簿亡其名長於花鳥

程端彥

新纂程端彥河南人伊川先生子官鄆陵尉徽宗崇甯元年蔡京專政復申元祐黨人之禁二年秋七月丁巳吏部言程頤子端彥見任鄆陵縣尉卽係在京府界差遣宜放罷從之

本畢沅續資治通鑑

趙開

宋史列傳趙開字應祥普州安居人登元符三年進

士第宣和初除禮制局校正檢閱官數月局罷出知鄆陵縣累官至四川都轉運使

元

張思敬

歐陽元撰清河張公神道碑張思敬父名恩其先解人後家鞏遂爲鞏人至元閒官鞏令思敬襲鞏令歷鄆陵沁水洛陽大名鄆平五縣累官至揚州路總管府所至稱良吏

宋思

施志宋思元貞二年來尹鄆邑值兵燹後學宮鞠爲

文獻志

卷十五

四

茂草思度材庇工載營禮殿兼新聖賢諸像簠簋尊壘之屬一時咸備邑人曹州教授王好謙等美其功謁輔惟良爲之記泐石學宮

明

江玉

新纂江玉龍游人儒士洪武三年令鄆陵時兵燹之餘民多逃亡玉招撫流移復業者輒割己俸以贍不足復勸富民出粟濟之不逾年歸者五百餘戶雙泊河溢造橋利涉學宮圯捐俸建之尤盡心農桑士民歌詠其德秩滿去民皆攀留焉

本施志參河南通志

郭規

經志郭規開州人人材洪武二十五年任鄆陵知縣
寬猛得宜吏民信服

婁觀

新纂婁觀獻縣人監生建文二年蒙按孫志經志作洪武三十三年任

誤以監察御史調鄆陵知縣縣多豪猾難治觀選邑

中老成人素信服者使陳德義以勸諭之遂皆感化

貧民負稅者捐俸置酒餽勸富民代輸民懷其德秩

滿復御史升吉安府本孫志經志參河南通志

時新

文獻志

卷十五

五

經志時新資縣人舉人永樂二年任鄆陵知縣以廉
潔慈惠稱

李粹

經志李粹河州人監生永樂六年任鄆陵知縣慈平
得吏民心

薛貞

新纂薛貞河津人洪武十七年領鄉薦歷官元氏滎
陽玉田教諭永樂十七年徙鄆陵教諭丁父憂去官
繼丁母憂服闋為河內教諭洪熙元年卒年七十一
貞自讀書應舉入仕一聽自然未嘗少屈以千人典

教職三十餘年教人治民必勤必盡不以秩卑祿薄而分外有一毫倖冀心在庠端坐終日出入造次以禮自持奉身儉約所至廨宇因其故而無所增飾雖或支撐隘陋風雨不蔽而居之裕如囊篋不問有無惟於爲學爲教則汲汲若不及教人以身先之每日常以雞鳴起未有至旦而出者經義以先儒說爲主爲文詞以理勝而不爲浮靡論道以三綱五常爲大而異端邪怪之說無以干其思其爲學之正自少至老無所矯易又可見矣

本薛文清公文集參文清公年譜

王賢

文獻志

卷十五

六

新纂王賢字惟善甯陽人生而岐嶷以詩經領永樂辛卯鄉薦登乙榜授鄆陵訓導學久廢弛賢振勵而作興之以身爲教嚴條約程課業不易寒暑又言於有司新學宮飭廟祀自捐已俸置學旁地若干畝一時生徒多所造就戶部尙書張睿禮部侍郎薛瑄皆其高第弟子也

薛瑄贈序云先生謹於自修勤於教人又贈序云其爲師也以古聖賢明體適用之學啟迪後進旦夕勤懇不倦士子被其教而登科甲歷仕途著聲譽磊落相望秩滿擢

戶科給事中官至順天府尹年七十三引疾歸成化

三年卒年八十三

本姚夔撰墓志參經志

徐泌

經志徐似字彥容興化人舉人永樂閒任鄆陵訓導以學行歷陞南京國子助教左春坊清紀郎九江府同知

譚敬宗

施志譚敬宗字奉先山西崞縣人舉人正統五年知鄆陵剛毅明斷吏民畏服築廩儲粟以備賑濟奏聞欽獎旋以丁憂去服闋鄆民疏其政於朝請再任上俯允焉

季璘

江甯府志季璘字饒瑞六合人正統戊午舉人任鄆

文獻志

卷十五

七

陵教諭潛心學問落筆驚人

曹安

經志曹安字以甯華亭人舉人正統閒任鄆陵訓導校文江西山西博學能文揮毫立就著述百餘篇如蓼莊集譚言長語取笑稿蟋蟀吟皆膾炙人口而汲縣比干錄及王待制忠節編尤關風教張東海贈詩云著書只欲明忠義垂橐何曾計有無其見重如此

徐律

經志徐律字祖律餘姚人舉人景泰元年任鄆陵教諭有文學能詩賦七子其少子留鄆陵家焉

焦玆

新纂焦玆字廷玉三原人監生景泰七年任鄆陵知

縣惠政廣施人心悅服三年遭母喪去民挽留不可

得服闋詣闕乞留復除本任

蒙按張睿送焦君詩序玆初任在景泰七年復

任在天順七年經志云天順元年任

施志云天順三年任皆誤振職舉廢咸中民隱

秩滿升順天府推官

本張睿送焦君復任詩序參經志

王淵

經志王淵桃源人舉人天順閒任鄆陵訓導學優教

勤魏璋按淮揚嘗拜其墓

黃裳

文獻志

卷十五

八

經志黃裳南城人舉人天順五年任鄆陵知縣言行

相顧平易近民

王璉

經志王璉字宗器黃縣人監生成化六年任鄆陵知

縣守嚴政簡盜息民安

張琳

施志張琳字宗玉華亭人舉人成化閒任鄆陵教諭

善於訓迪多所造就邑中如大理寺丞魏璋尚書劉

璟皆出其門璟為松江守值琳解任歸不以私事干

謁遇關地方利病者則貽書勸勉之比卒璟為執心

喪厚卹其家以報之事見秦鳳山所撰尚書劉公傳
韓相

濟南府志韓相青城人成化戊子舉人授鄆陵知縣
治邑五載清介自持以憂歸杜門謝客終身孺慕祀
其先必齋肅三日

祝富

經志祝富字克誠舒城人舉人宏治閒任鄆陵教諭
文體師模士人推服陞唐府長史

王時中

新纂王時中字道夫別字海山山東黃縣人性機澄

文獻志

卷十五

九

朗好讀書早以文鳴宏治三年成進士五年授鄆陵
知縣初時中祖璉知鄆陵以清白稱至是人欣欣相
告語曰神君之後也其將復活我矣時中莅政以正
己爲先吏民有過深自刻責徐曉譬以義理初不事
夏楚閒有健訟者立折之風聲傳布民咸懷服闢田
勸農興學厚俗見學宮傾頽毅然曰是吾責也遂捐
俸亟修之極其宏備鄆人素不喜蓄積遇歲飢多流
亡時中勤於招撫復業者千戶復修義倉設法積穀
民甚賴之河溢岸崩民苦墊時中疏導之出田百餘
頃嘗有盜潛聚東關外將行劫時中廉得之往卽巢

窟捕無遺一日郊行旋風擁馬首時中曰必冤氣也
俾隸人尾之旋入蔬圃繞胥井不散召主者根究其
故乃少婦外通殺其夫掘井得屍人以爲神有土豪
虎視一邑時中暴其奸抵之法時中明敏善斷且廉
謹有祖風故凡事得行其志治行爲當時冠云劉訥撰去
思碑云賑必以時蝗不入境徭役定九則之規催徵酌三限之法民困始蘇其大者修學造士表賢勵民鄉里有廉讓之風閭絕遊惰之習應祀祠壇無不修葺虔事開衢建署上下便之十年擢山

西道御史累官刑部尚書加太子少保祀名宦

本劉訥撰

去思碑雷禮撰傳參明史列傳施志

任恕

文獻志

卷十五

十

經志任恕字本忠孝義人宏治十二年任鄆陵知縣
剛正不苛

孫讚

新纂孫讚字文美高郵人監生倜儻有器度宏治十
八年任鄆陵知縣時歲不登逃徙幾半邑北雙泊河
溢渰沒民田讚招撫賑恤不遺餘力歸者千餘家流
民附籍尤衆首修學校次館署傳舍道路橋梁尤崇
尚禮讓民骨肉訟者以古事曉譬多愧服去獨治盜
嚴境遂無盜旱禱輒雨預備倉鄰火火且及倉讚馳
往拜禱火遂滅編定賦役必躬審手書吏胥弗與故

視諸邑特均民崔正爲人謀殺投之河莫知主名其
母控累年讚至訪問乃其妻雷偕姦夫二人爲之問
遽服袁義與祁山爭地不勝義縊死病兒婦詭云婦
餉耕於田山箠死仍賄諸證使誣山山繫獄數年讚
閱其案疑之鞠義及諸證果義殺山得釋矜恤鰥寡
無不周至蓋慈惠之德尤盛云

本馬輅撰孫侯
政事記參施志

龍章

經志龍章字天章漢川人舉人正德十年任鄆陵知
縣警敏幹濟繕城濬隍空同李氏爲之記

尹尙賢

文獻志

卷十五

十一

經志尹尙賢字賓卿掖縣人進士嘉靖二年任鄆陵
知縣嚴毅有爲令行禁止因城基弗固重築之制倍
於昔士民賴之以才堪治劇調知蘭谿

郭大經

經志郭大經平定人舉人嘉靖初任鄆陵教諭醇正
得體陞南陽知縣

馮霄

經志馮霄字汝翀黃陂人舉人嘉靖八年任鄆陵知
縣學優才瞻政舉刑清修學興賢開河祛患積穀數
萬斛撫按奏蒙欽獎

劉時義

新纂劉時義號南岡醴縣人官杞縣縣丞嘉靖十二年檄署鄆陵知縣以不愛官不愛名自許及至浚城隍繕門樓飾學校懲豪橫里民安堵邑人陳棐作序以美之

本陳棐文岡集

史文彬

施志史文彬成都人舉人嘉靖十四年任鄆陵知縣愛民如子值洎水漲躬督浚治防護不以爲勞水未退爲文以誓於神邑人至今傳誦之

郭廷桂

文獻志

卷十五

十一

新纂郭廷桂號菊野雲南人父抱經術遠宦而途亡廷桂在庠未從也求訪五六載跋涉萬里竟遇異人得父遺骸負之歸人稱其孝嘉靖十四年筮仕開封通判旋攝鄆邑篆令洽澤流偷息民安軌度齊一上下畏懼

本陳文岡集參開封府志

張祥

新纂張祥字元吉武進人嘉靖二十年進士明年授鄆陵知縣廉明剛斷巨盜不能竊發摧抑豪右撫循疲弱孱懦細民賴以安全以繼母憂去任服闋官至

苑馬寺卿

本劉思敬徹贖八編參吳志

趙孔昭

新纂趙孔昭字子潛號玉泉邢臺人少有奇質嘉靖二十三年成進士明年授鄆陵知縣清慎明敏招流徙停勾攝撫窮疴省里甲鈐胥卒礮豪右辨等威使鄆之勞者息匱者紓良者安弱者植休養慈育民用康阜擢湖廣道御史官至兵部侍郎致仕孔昭剛方廉介言動真率不設城府且無世俗依阿澗忍態嘗題趙清獻琴鶴圖云德馨何事更焚香琴鶴隨時亦覺忙但得洗心無一事只將義命作行藏年六十五

卒祀名宦

本焦竑徵獻錄陳文岡集參施志

文獻志

卷十五

十三

崔大德

新纂崔大德常治入舉進士時議以戚畹疏屬不得拜京朝官嘉靖三十四年出令鄆陵築城禦寇有司報鄆陵令治最但鄆陵小邑無以展其才移臨漳未行以憂歸服除補饒陽歷天雄郡丞廣平太守治績

俱如鄆陵與饒陽

本鄭若谷北遊漫稿參經志

王緯

新纂王緯號龍岡汾州人資性敏捷學通百家尤精於易嘉靖三十五年以舉人令鄆陵催科不廢撫字而賦稅時集訟者盈庭迎刃立解旁郡疑獄不決者

數年片語而折人稱神明禱雨立應祀蝗輒去懇田
千畝逋逃復業文案簿書親自覽註吏不得上下其
手縣有巨猾舞文明正憲典惡者知懲且操守廉介
常祿之外一無所取朔望五鼓至學升明倫堂與諸
生談藝亶亶不倦遴其俊秀者授之館爲之講古今
得失摭經傳究義理正文體勵其志氣以大其就士
類悅服三年升武定知州

本陳文岡集參經
志及石刻禱雨詩

王宅中

新纂王宅中號東岡遵化人歲貢嘉靖三十八年官
鄆陵主簿邑北雙洎河溢害民田無算邑令張希稷

文獻志

卷十五

十四

濬渠築隄宅中勤於督工功成甚速賦性廉靜慈祥
不私受訟牒不濫用刑罰民甚愛之數年升興化丞

本劉連石孔山
人集參經志

羅誌

新纂羅誌號肖山侯官人嘉靖三十一年舉人四十
一年官鄆陵教諭莅任呼諸生語之曰來而小吾官
乎爲國養材爲四方美風化誠小也任則大也弗大
者效之利欲沮之顧望廢之偷安要皆自小之耳吾
不肯自小者志與二三子勵實學實學者道在五倫
功加百倍而孝弟本也忠信質也禮義廉恥綱維也

允迪茲也卽絳灌吉也茲悖也卽屈宋馬班浮華也亦奚貴也分訓張笑曰登仕途若共戲場何必爾誌曰公謂戲場君不君臣不臣父子兄弟不父子兄弟乎正以吾輩反戲場之不若耳翼曰示科條定升散之期申明齒讓之節立周折之度奉其父母遺像懸內庭每雞鳴起盥櫛焚香拜天地畢拜遺像拜訖讀書味爽坐堂上授諸生經旨論民瘼講治世修身之術井井淵淵述其父母言行必淚似雨零侍者相顧變色聲鼓而退肅肅猶進儀考諸生藝文月一次又善咨訪諸生淑慝卽幃薄細微皆洞知之因而品評

序待以寓勸懲且潛爲淑者延譽恆恐不顯達慝者報各圖厚餽結驩心乃益嗤鄙之卻其餽化導百方遇在上者詢訪及則委曲掩覆嘗曰非我而當吾師也我而當吾友也吾虛衷樂受者諸生其指陳我是非有士直告之某話宜某話舛某事獲某事鑿某篇純某篇疵卽頓首謝盡改所非愈敦篤其所是賦性慈祥愷悌包蒙不擊蒙久之向上之士日集門下受業初分訓張開館待向上之士半年無至者見誌門下士輒怒且罵且欲拳毆誌誌睅顏降氣曰罪不在弟會按院監司多命誌察郡縣官吏之賢否注考

語張惴惴曰吾合休矣乃誌注張賢考中上張愧感
曰肖山成人之美無害人之心君子哉分訓宋佩有
妻喪旅櫬惇獨誌憫焉祭而哀倒囊而致賻未幾宋
以謗被臺黜付僉憲黎公扑責誌爲之解曰直不疑
未嘗有兄而讒者謂之盜嫂第五倫三娶孤女而人
譖其搗婦翁謗僞也願明公恕焉黎悟竟不扑責四
十三年權知西華縣復校文山西明年升封川知縣

去 本石孔山人
集參經志

張希稷

新纂張希稷號鳳臺高密人進士嘉靖四十四年任

文獻志

卷十五

十六

鄆陵知縣鄆北境有河曰雙泊年久隄湮水漲則害
稼希稷至濬渠築堰踰月成其秋水不溢歲苦旱盜
繁興希稷捕渠魁曉餘黨使散天雨次歲夏又旱希
稷徒步暑塵中虔禱諸神祠雨亦降民大悅鄆陵素
稱瘠邑土田膏腴者十之三窪下沙鹵者十之七舊
因地利供賦役民便前開封知府劉一概均之民大
困且他郡縣以其賦役大不支者憑其鄉權貴訴諸
監司默移之鄆陵凡十項歲耗六千金希稷深悉其
弊具牒當路請因地利供賦役並還他郡所加十項
撫按諸公難之希稷如汴見撫按諸公曰君父母也

百姓赤子也令乳保也父母有二赤子其一苦荼毒其乳保挾而擲之可也顧舉而投之此赤子之口然則此赤子之乳保可甘受乎且移他郡賦役而加之鄢也譬之擔重不勝暫移右肩息左肩也移弗更移如右肩何仲長統云行於古有其迹用於今無其功者不可不變變而不如前亦不可不復劉開封變不如前者望明公復焉撫院檄曰其會議適工部徵希稷往徐沛閒共治漕河無主其議者竟報罷乃拊髀嘆曰天意困鄢乎何遽我徵也抵夏村掌帑金出納惟慎惟平踰期返鄢時當審戶口消長定繇役往歲

文獻志

卷十五

十七

責報丁力不實則驗諸里胥語以此民畏里胥語多用賄希稷曰吾據舊冊略乘除耳里胥何爲者况鄢之敝也極矣而謬稱上縣今可多報丁力乎其恤民如此賦性嚴正藩臬長貳使者過邑不敢橫索吏役假柄舞文者皆斂手而民之被澤多矣隆慶元年升

大理寺評事

本石孔山人
集參經志

徐宏箕

新纂徐宏箕字毅庵番禺人舉人嘉靖四十四年前教諭羅誌擢尹封川是歲秋宏箕代至忠厚慈祥士類歡呼相慶曰又一羅公又一羅公比誌去宏箕守

舊條罔肯輕變土類咸德之邑令缺宏筭署邑篆期
月民稱便柱史李公移檄獎之

本石孔山人
集參經志

陳登雲

新纂陳登雲字從龍號南濱唐山人少病痞百療罔
效自念痞者否也可以通否惟窮理乎下帷日發諸
載籍讀之更無他念二載病如失萬厯四年舉於鄉
明年成進士六年除鄆陵令至鄆見細民苦於豪強
文法舞於奸吏冗費無節田野荒蕪學校頽廢河水
爲患流亡載途嘆曰此一邑之病也首黜積役數十
人捕所謂五虎者置之法復考明初舊制縣地只分

文獻志

卷十五

十八

夏秋不分高下地有肥瘠不齊而稅糧一槩均徵則
富者愈富貧者愈貧且稅糧曰麥曰糧米別爲徵摧
者曰絲綿曰棗子曰商稅曰酒醋曰門攤曰粟菓曰
皮曰翎而徭役銀有曰銀差曰力差每保每條各擇
殷實者收解謂之大戶不勝誅求之苦豪黠者得以
計脫愚莫者往往以身家殉之且輸納繁夥百姓終
歲無暇南畝爲之荒廢登雲深爲軫慮集鄉紳士民
究悉利弊躬履畝分地爲上中下三則糧依地爲
三等總計稅糧徵摧徭役之值皆以銀代之而徵之
地畝自此輸納有常期每歲分四季每季不過數日

每保收解者永無苦累所省甚鉅令訟者懇田贖罪
所墾歲數百頃爲之建屋宇置器具牛種以招復業
者來者既衆復教種植桑榆益其生業邑境雙泊河
爲扶溝所壅歲溢爲災力爭於部使者令鄰封勿得
壅激河患始息斥俸餘捐贖鍰新學宮給學田興除
之外一意以教化爲務十一年召拜監察御史初按
遼左再按晉最後按中州值二十一年饑饉登雲請
蠲請賑請弛山澤之禁借留都之儲上惻然動容發
帑金數十萬宮闈寮竈咸捐俸佐助而登雲亦自清
贖金得萬三千爲郡邑糴本而鄆又被其惠矣

本徵
獻錄

文獻志

卷十五

十九

經志

錢夢得

浙江通志錢夢得字承江桐鄉人萬曆癸未進士初
任鄆陵知縣以卓異內召拜山西道監察御史歷陞
都察院巡撫河南生平自製錦以至埋輪迨爲大中
丞經文緯武莫不矯然獨立風節及致政家居殷殷
敦恤里族人稱長者

何爾健

施志何爾健字乾室曹州人萬曆己丑進士授鄆陵
知縣敦厚樸誠明敏開豁爲政得寬猛之宜值歲饑

預爲覈算民能自食者幾家當食於官者幾人倉粟可發者幾何富家可募出粟者幾姓於是發倉粟煮粥食之不足則繼以捐俸繼以勸輸慮其老羸羣集後先蹂踐則立粥廠數處擇材幹吏主之使男女異區每日必躬到廠中取粥嘗之或羸惡已甚卽罪其任事者有距縣太遠不能日來粥廠別給穀以賑之凶荒之年疫癘必行又設醫藥以救之有死者使在處隨收瘞之例廩窮人盡三月當止是歲盡五月止當時災荒奏聞神宗發內帑特遣御史督賑有司奉行視爲故事惟爾健早夜憊心力經營始終絲髮無

不備鄆民幸不死亡失所者爾健力也爾健在鄆多善政而救荒一事民尤德之任滿內召授御史生平善藻鑑愛成就人材當時所賞拔者如梁克順克從鄭一陽劉賁卿蘇起雒延衙舍同其子應瑞課藝皆先後哀出應瑞亦庚戌成進士距爾健去鄆三十年來爲中州學使者校士時惠鄆甚厚過鄆延見父老拜訪故舊鄆人至今以爲美談應瑞位至大司空其卽爾健賑荒之報與

趙大華

經志趙大華萊陽人貢士萬厯中知鄆陵縣鄆民舊

不勤紡織大加勸諭夜行潛聽有紡織聲以良民勤紡四字識之次日呼至賞棉花五觔民自此得紡之利焉

張舜典

新纂張舜典字心虞號雞山鳳翔人爲諸生時潛心理學受知督學許孚遠後遊江南復從許講學因徧交鄒南皋顧涇陽諸公而於鄉先生馮少墟往來尤密萬曆二十二年中省試謁選署開州學正與諸生朝夕講論皆程朱語錄不以舉業爲先嘗嘆曰誤天下才者八股也升鄆陵知縣未任卽上三途並用一

文獻志

卷十五

二十一

疏雅以海忠介自負復能明習文法通於庶務下車講求民間利病甚悉念治以教化爲先每月朔望次日集鄉紳士民講學首申聖諭條分縷析使民易知不犯語次尋繹因事發端俾聽者咸有所省悟乃新學宮飾奎樓漸次庇材鳩工創建宏仁院爲講學地郊外陳太邱祠亦亟修其頽廢欲以風厲末俗知所觀感也製大成樂選儒生嫺雅者肄習之春秋兩祭粢盛牲牲馨香肥腜不敢視爲故事置學田贍諸生之不能舉火者於是建社學建義倉大都牧民者曰教曰養舜典籌畫詳盡細大必舉民間養生送死之

具皆備之以待乏而於士之匪類者揭名屏閒其人愧匿不敢見民間子弟好遊遨不以田作爲事者因事摧折之使莫不耕稼力田嘗曰知縣知縣有不知曷名知縣哉各上官每諭屬吏曰爲政當效鄢陵至於修城隍豎樓櫓皆不勞而功成時承平日久舜典製軍器若干皆精好藏之庫人或訝之舜典曰行當有用去任後邊事孔亟州縣急軍器以所存者應之精利獨爲他邑冠舜典固儒者用經術飾吏事而機神明敏端尾究竟遇事立見所區畫布置雖強幹老吏無能出其範圍行之三年獄無冤刑邑無盜警禾

黍桑麻牛羊雞犬被於郊坰治邑如家治民如子而其德大且遠者莫如爭福藩莊田一事萬厯末年福王之國王神宗皇帝愛子也有旨附近州縣各買膏腴田三百頃以供王用當時若懼違旨得罪噤不敢出一語則王莊立矣王莊立每歲王遣中使收租其搔擾凌轢有司莫敢誰何且立莊則有佃戶怙勢張威佃戶人人一中使也亡賴者因緣爲奸附和羽翼亡賴者又人人一佃戶也其播禍地方不可勝言舜典於文到之日卽具詳縣南北皆瀕河地多汙萊斥鹵無膏腴可答明詔願罷官爲小民請命上臺重舜

典言事得寢迨崇禎初年偏聽周藩斃一鄉紳士緹
騎四出逮巡按提學使者各藩王聲勢震赫民間破
產殞身者無算始嘆舜典以去就爭立王莊其慮深
而澤長矣任滿治行爲天下第一陞彰德府同知舜
典遂請告歸離任之日士民泣不忍舍送至潼關而
返天啟改元升兵部武選員外郎旋罷歸年七十二
卒著有明德錄致曲言詩文集

本陝西通志
關學編經志

高有聞

施志高有聞號谷虛益都人萬曆丙辰進士授鄆陵
知縣廉明仁恕不激不隨自奉甚儉冬一褐夏一葛

文獻志

卷十五

二十二

公府半菽一蔬悉同齊民貿易戒寮佐毋得攬訟遇
訟牒以木皂隸付訟者同鄉三老送置被訟者之門
使自赴期會不遣一隸卒勾攝隸卒列庭下如木偶
無所資衣食兩造旣具朝以入不終朝夕以入不越
夕他邑構訟不能斷者得有聞一決莫不曲盡情詐
壓塞羣疑雖爲政無赫赫名而遇武斷兼并不盡法
不止也政平事理庭多暇晷集博士弟子課藝親加
月旦一時受治鑄者多成名士邑北舊有雙泊河自
洧入鄆鄆固受洧之下流夏秋霖雨旬日則客水猥
集一川兼受衆流水勢湍悍土壤復輕脆易潰羨溢

橫突瀕河之田多成巨浸甚且漂沒室廬而扶溝不受鄆之下流以鄰爲壑捍以橫堤兩邑數爭不能決鄆已數被水患矣有聞躬行詳視集衆圖方略嘆曰按經義有決河浚川而無隄防壅塞之文禹非不愛民力以地形有勢故用穿九河也乃決意舊河之南別開支河計財用鳩畚鍤量功命日民不勞而功告成水勢旣分雖夏秋波瀾盛長而寬緩不迫遂無嚙決之虞因河開已未發南宮者五人遂命名爲文水河有聞笑曰鄆可以居洧之下流不必效尤於扶並可以居扶之上流不必乞憐於扶矣有聞寬和而著

文獻志

卷十五

二十四

風裁沉毅而蠲煩苛舍茹而能得情洞燭而善藏照任滿治行爲一時最旦夕當內召乃丁外艱去去之日莫不咨嗟涕泣男女老壯相與賦斂致奠醮以千數其政化懷物如此服闋補封邱縣陞戶部主事

王廷賓

新纂王廷賓澄城人進士崇禎二年任鄆陵知縣初臨德小灘三倉買米勅命民輸銀官買吏解民安之有作俑者借名米爛每歲加派銀三百餘兩名爲櫃頭銀民害自此始幸廷賓莅任軫恤民艱禁止之

本常

黃有常

新纂黃有常字無奇陽朔人舉人崇禎初署鄆陵教諭出囊金二百有奇重修文廟經營周至文風漸振

本經志參梁克
從重修儒學記

任中鳳

施志任中鳳字鶴伯長安人進士崇禎中任邑宰爲政寬而愛民事事有條理及去士民思之建生祠

郭萬象

新纂郭萬象字文煥高陵人崇禎甲戌進士授鄆陵知縣廉潔自守遇公事不少退諉邑中文廟關侯廟

文獻志

卷十五

二十五

城隍祠咸新之平徭役以地之多寡爲輕重豪強不得牟利又爲潁水壩閘水害永除初萬象之至也士衆惴惴懼恐其不前令任公若也未期月咸欣欣相語曰是又一任公也及歸建祠祀之

本施志陝
西通志

郭希尹

新纂郭希尹曲周人官糧廳崇禎八年署鄆陵知縣初官吏私派櫃頭銀自前令王廷賓去後復踵故轍每歲加銀二千六百兩希尹至廉靜自守立石永禁

咸頌服焉

本常阜民鄭
公生祠記

劉振之

新纂劉振之字而強號冰壺慈谿人劉氏邑中鼎族自其曾祖父及兄皆由進士爲名臣振之雖貴介而恂恂自下生平讀書留心聖學事繼母毛以孝聞崇禎三年舉於鄉出黃道周之門三上公車不第就東陽教諭諄諄舉聖學訓其及門月有課季有會不以寒氈冷署頽然自放也嘗題官舍之柱云人熱難因吾鼎可愛又曰一片冰心堪贈友滿腔熱血欲輸君其立志如此十二年升鄢陵知縣縣故非劇振之以清靜治之甚得民心無如流寇渡河己六年所擄掠焚殺里社半成邱墟十三年歲大饑斗粟千錢人相

食振之壹意撫恤不事督責一日有客兵過鄢索犒不遂挾振之去父老聞之呼號奔救斂貲賂豪弁始得歸十四年十二月李自成陷許州殺知州王雲翼賊令慘虐凡兵抵城下拒守移時者城破屠戮無遺類及凶鋒逼鄢邑中有人倡言城小力不支不如早降振之正色斥之十五日賊大至城不守振之衣緋袍北面大哭叩頭謝闕云臣力竭矣賦致命詩云遭際萬分艱成就一箇是但拋血肉軀天下無難事又云文章千古事忠孝百年身漢庭藜火在誰是學箕人又云身名同泡影生死等晝夜止餘一寸丹千秋

永不謝又云放鶴鶴情超呼龍龍性在一朝返太空
神遊天地外賦畢賊索印不與乘閒投環廝役憐而
救之遂被執扶出見賊逼降不屈罵曰吾劉氏世以
忠孝傳家豈至我而爲狗鼠所污耶惟有一死仰天
對朝廷入地見祖宗耳賊怒縛置雪中三日夜斫十
餘刃乃死時年五十六嗚呼振之蓋籌之熟矣督民
以死守必不支而有屠城之慘微服以竄身雖得脫
而負守土之義屈膝以請命卽倖生而喪人臣之節
所以拊膺仰天矢心自靖不使城累於身而以身殉
於城上不負君下不負學亦可謂從容就義矣時邑

文獻志

卷十五

二十七

人鄭二陽巡撫安慶以事奏聞贈振之太僕寺卿廢
一子入監讀書黃道周題其門曰忠孝大儒振之自
己未歲書片紙藏笥中每歲生辰加紙護之至是家
人啟其封則不貪財不好色不惜死三語也蓋志已
定於素矣著有畫溪近草冰壺先生遺稿本趙吉士
續表忠記

高承埏忠節錄鄭廉豫變紀略
朱彝尊靜志居詩話參經志

杜邦舉

王芸心縣尉杜公殉難述杜邦舉

忠節錄云
字明宇

陝西富

平人明季鄆陵典史值流寇犯河南破洛陽邦舉陳
謀於邑令劉振之會集鄉民激以忠義勤加操練爲

戰守具勦土寇十三次皆獲大捷上憲嘉予命合鄆
洧許扶西五州縣團操會勦以鄆統之邦舉領命符
會師朱仙鎮誓於岳忠武廟以杯酒酹神曰將軍丹
心未泯知數百年後復有邦舉乎願效將軍爲朝廷
一雪憤焉卽日統兵破古城賊殲之自此遠邇巢穴
見鄆陵旗幟望風披靡無不折戈降者因上請得都
司劄給銀牌十面所統士卒益效死無他志後闖曹
二賊合營八十餘萬衆攻陷許州屠之遂東逼鄆時
賊衆破竹之餘乘勢摧壓鄆城不堅厚又無救援萬
不能支因有倡言宜速降庶可幸免者劉令怒叱之

而人猶以爲言邦舉曰城存與存城亡與亡人臣大
義也何喋喋爲劉令深然之崇禎十四年十二月望
日賊陷鄆城守員皆被執劉令以不屈遇害邦舉尤
厲聲罵賊賊以兵刃迫之降邦舉略無懼色叱之曰
安有朝廷臣子而降逆賊者哉罵益厲賊挾其舌邦
舉含血噴之賊磔邦舉於北關時劉令子收父尸扶
櫬歸邦舉無隨任親丁邑人蘇兆瑞收其尸槨葬城
外 國朝邑令裴憲度愍其節烈改葬北郭西嶺
兆瑞之園邑人士歲時致祭焉初邦舉之殉難也時
邑人鄭二陽巡撫安慶甫聞鄆變有兩殉難臣卽特

章並題爲請旌卹劉令蒙贈廕邦舉以資格限未與後邑令汪爲熹披覽邑乘略覩懿行爲劉令及邦舉立雙忠祠以祀之邑人以邦舉死尤慘附驥尾以傳未厭於心爲邦舉立專祠以祀之雍正戊申劉令入祀忠義祠邦舉以未蒙旌卹終不獲與輿論歉然今朝廷纂修明史載邦舉臨難大節昭然至死不移公之忠義始獲大著簡策云

國朝

呂九圍

施志呂九圍字光霽萊陽人貢士順治二年任鄆陵

文獻志

卷十五

二十九

知縣時寇盜初平民未復業九圍至多方招撫開懇荒蕪勤宣 聖化一時流亡者聞風而返及去任百姓出城遠送無不流涕而別

孫丕承

新纂孫丕承號烈齋遼東寬奠衛人貢士順治五年任鄆陵知縣甫下車視學宮頽廢力新之縣舊有志兵燹遺亡丕承延紳士續輯成書使掌故有攷臨民以愛利爲心民尤感之

本施志

經起鵬

施志經起鵬字蒼若江西臨川人貢士順治十二年

知鄆陵縣事蒞任五載廢墜咸舉邑中常平倉前令王公立制甚善及此無一存者起鵬修復之復捐俸買穀三百石爲民倡好義者亦次第捐助焉時巡撫賈公檄修闔省志乘起鵬增修以報今所存之志乃手訂本也

董色起

河南府志董色起字印韓偃師人順治辛卯舉人學問淵博制行廉潔初署鄆陵教諭訓士有方陞北直沙河知縣政事修舉有循良之譽焉

黃雲鶴

文獻志

卷十五

三十

施志黃雲鶴字石樓江南宣城人進士宰鄆邑風流儒雅喜接引寒士談文課藝娓娓不倦凡有關風教者悉欲振興如學宮陳太邱祠次第修飾皆自爲文以記卒於官士民惜之

裴憲度

施志裴憲度字晉裔號渭湄高陵人進士康熙九年任邑宰愛民如子不事苛責招流亡以闢草萊清田畝以補污下邑中弊政如驛馬里夫鹽筴漕米河夫之爲民累者悉除去之尤篤愛文士日程月課多所造就及陞任民甚德之建祠以祀

劉之楫

商邱志劉之楫商邱人順治十一年舉人官鄆陵教諭學行醇正訓士有方

楊應標

新纂楊應標字勝林嘉興人順治中舉進士初官甯國推官裁缺改補溧陽縣令再知鄆陵飭胥吏均徭役公聽斷恤熒獨推誠御物政聲懋著三年升知州

去著永思堂集

本兩浙輶軒錄參檇李詩繫哲次齋集

羅鈇

吳志羅鈇字仲彝正白旗人監生康熙二十年任知

文獻志

卷十五

三十一

縣有惠政陞任同知民建祠祀之

許承澎

新纂許承澎字昆伯同安人監生康熙二十五年任鄆陵知縣勤於政事凡倉庫城池道路橋梁無不修治尤加意學校月有課季有考鼓舞誘掖諸生咸彬彬就範二十七年夏武昌兵變聲勢震迫他邑皆土壅城圍驅氓登陴鄆陵訛言泯絕課士如恆無何楚氛息士民無驚擾之虞皆承澎鎮靜力也

本哲次齋集靜觀堂

集參施志

寶畹

新纂竇畹字九成河內人汾州司理可權子歲貢康熙三十一年任鄆陵訓導獨行其志岸然自異思有以挽夫突梯脂韋之習而飭之以廉隅與鄧州楊濟美同司鐸教楊忠厚長者不輕可否凡士子宜勸宜懲與夫學政宜因宜革裁決於畹者居多未嘗告人以自暴張是歲春楊邁疾沒畹經理其喪出貲助之歸葬振飭頹風日取多士而鼓舞之不令委靡退避自失其養太宰陳公廷敬爲司理公門下士師弟之誼甚殷畹獨冷官自守不肯妄有請託其恬靜如此

本靜觀堂集

文獻志

卷十五

三十一

董允懌

新纂董允懌字蘧齋鄆人順治十四年舉人初授古田知縣重修朱子溪山書院延宿儒講學以父老乞養歸外艱服闋補鄆陵知縣時康熙三十七年也莅任後日屬紳民而勸諭之未嘗以催科爲急賦稅亦集是年秋大水城圯允懌命工興築逾月告成鄆俗故不好訟允懌以忠厚化之訟者益少退食休暇不廢吟詠著有晚香樓集

本暫次齋集兩浙輶軒錄

何執中

新纂何執中號龍潭宜陽人康熙二十年舉鄉試出

施閏章之門四十二年任鄆陵教諭注

御製訓

飭士子文每月逢朔望日爲諸生宣講復撰會約數千言於次日課其文藝并及於童子文皆細加評隲無妄爲丹黃者蓋深知文教所係之大故惟任眞以行其意其論文也根極理道而取裁於先正意示色授皆足發人心悟是歲屬大比之期多士復鍛羽歸距戊午不得與解額者二十五年執中鞅鞅不樂曰是豈盡關士之命哉誰職其責庸可他諉爰輯先正論文之語付之剗剗人授帙使揣摩於平日其所以誘而進之可謂至矣

本靜觀堂集參施志

文獻志

卷十五

三十三

王秉謙

吳志王秉謙字天益通州人貢士康熙四十九年任鄆陵知縣隆學校飭吏治士民樂之以勤勞卒於官囊無餘貲未獲歸櫬

汪爲燾

吳志汪爲燾字紫山錢塘人貢生

蒙按兩浙輶軒錄作桐鄉人杭州府

學貢生

康熙五十二年任鄆陵知縣以文章飾吏治著

有鄆署雜鈔考證詳博後之修邑乘者賴之

宋恭貽

施志宋恭貽字穉恭號滋庵鹽城人徵君射陵先生

子也康熙庚午舉人五十七年任鄆宰甫下車卽云
鄆之大政有四無形者士習民風有形者城郭學校
未及期年而訓諭葺補四者皆有可觀惜丁內艱去
陳振元

施志陳振元字體仁陝西涇陽人舉人康熙六十一年任鄆陵知縣温厚和平藹然可親而遇事剛斷數語卽決期年吏民多威懷之邑西鄉有婦殺於野振元檢視無凶手歸署後令其地保甲集一村之民於第三日赴縣振元於次日謁城隍廟告神卽止宿焉詰朝保甲以村人來振元暗囑役四門皆閉令其鄉民悉赴廟點名一週無所獲振元曰神語其不驗耶復點內有一人過案前稍退縮命逮之一訊卽殺人者人以爲神

孫國璽

施志孫國璽漢軍正白旗人康熙六十年進士雍正元年任邑宰廉介自勵盡除陋規聲名雀起鄆例新令初任時凡鋪陳一切諸費咸取諸民間之懋遷者至是國璽捐俸自辦此弊永絕留心民瘼不以勞瘁自諉不期年百廢具舉其善政如建大有倉革斗級諸事至今遵行之以報最遷禹州去十年果陞河南

文獻志

卷十五

三十四

巡撫猶爲鄆邑除弊政數端民益思之

鄭士玉

施志鄭士玉字石朋號青麓衡州府耒陽縣人雍正
丁未進士壬子夏分符於鄆甫至卽以明倫爲先務
集士子於泮宮勉實行飭廉隅朔望課士親加丹鉛
以示獎勵敬重祀典致祭 聖廟預夕演樂習禮必
誠必信屆期將事未嘗聞咳唾聲且化及鄉民時召
父老子弟宣講 聖諭親爲訓誡由是風化大行
判理詞訟案無留牘勸課農桑野有餘粟邑舊有南
北兩河水患士玉親歷形勢疏通陂澤民得安堵他
如平糶倉糧徵收漕糈興利剔弊民甚德之越一年
丁內艱哀毀卒

陳子檜

吳志陳子檜字興麓新興人進士乾隆二十二年任
鄆陵知縣黃河隄工料物鄆邑向不派辦因楊橋漫
工需料緊急破例協辦一次嗣後遂相沿爲累乾隆
二十九年又飭派鄆邑辦稽五十九萬觔草十萬觔
麻一萬觔子檜力請免辦前後凡三詳而後得請民
甚便之

許天培

文獻志

卷十五

三十五

安陽志許天培字子益安陽人歲貢生任鄆陵訓導
課士勤嚴上憲委賑饑矢公矢慎兼割己俸民沾實
惠調任祥符以母老終養

施誠

吳志施誠字君實宛平籍會稽人監生乾隆三十五
年任鄆陵知縣神氣開爽案無留牘壬寅修邑乘公
正詳明補偏舉漏自云矢公矢慎無一毫私意低昂
於其閒歷陞信陽州知州河南府知府

盧肇

吳志盧肇建昌人舉人乾隆三十九年任鄆陵知縣

文獻志

卷十五

三十六

興修文廟鄆人士咸頌之予告終養

王復

新纂王復字敦初號秋塍秀水人乾隆末署鄆陵知
縣又署臨潁實任武陟調商邱吏議解職復任偃師
三載卒武虛谷稱其爲縣有實政興學崇讓喜延接
士類數與談讌欵曲各盡其意中有貧不能自謀周
恤尤至其才而異者必振成其名與人交氣誼相矜
許力爲伉爽之行緩急所投必傾力從事不爲窘縮
計也少喜讀書長工篇什著晚晴軒詩集八卷

本武億授

堂文鈔

保麟

吳志保麟字九真南通州人進士乾隆五十六年任知縣振興文教崇重師儒鄆邑文清書院無延師養士之資勸各紳士捐銀一千七百兩貯之質庫計年生息修脯膏火俱有所出文風丕振人士戴之弗忘

喬德淵

新纂喬德淵字泉如乾隆乙卯舉人

吳志作庚戌進士誤

乾隆

五十六年任鄆陵教諭先是鄆士多不習舉業德淵捐俸備餐日與論解文風爲之一變尤加惠寒士有貧不能赴科者嘗典衣促之行士林至今誦之

本吳志

文獻志

卷十五

三十七

吳堂

道光志吳堂字肯哉武進人舉人嘉慶十年任知縣好識拔士類振興文學創建邑中文昌祠詳定流潁河岸張林橋諸隄工與西華縣分築處省捐輸息爭訟鄆人便之戊辰修邑乘皆簿領暇一手撰定初受事鄆陵肩前官逋負至累萬無以償檄去任卒於汴

郭廷翊

道光志郭廷翊字醒園封邱人舉人道光七年檄權教諭甫下車卽倡諸生修忠義祠數月廟貌一新又輸俸增製學宮禮器後以更代去官未幾卒

梁佐

新纂梁佐號星谷德慶州人舉人道光十二年署鄆陵知縣前政以威猛御民民有欲不敢言佐至嚴以御史寬以待民民甚德之

宋炳方採訪

彭鳴盛

新纂彭鳴盛號月舫甯都州人進士道光二十七年任鄆陵知縣鄆俗樸民愿號易治但前政縱容吏役遇路斃貧民既報官勘驗奸胥復移之他所以累善良鳴盛至聞其弊欲革之里甲以路斃貧民報鳴盛輕騎減從聞報即發雖移屍弗能害民此風遂息居

文獻志

卷十五

三十八

一歲鳴盛以病請告又二載旋里卒於途

蘇文炳採訪